



西莊始存稿卷十三

古今詩 塞北集

恭和

御製八月十八日奉

皇太后木蘭行圍啓蹕作韻

化協虞廷格有苗塞山時狩刈管蕭問安扶輦

慈顏豫講藝陳師


祖烈昭回部執鞭環宿衛諸藩負弩拱中朝

時回部

集斯等及蒙古諸部落悉從

興桓左界遼濡曲萬仞岡頭看射

鷗



恭和

御製石槽行宮即事韻

辰旒纔駐憩松軒慶洽春迴黍谷溫一飯不忘惟
稽事

天顏有喜在煙村山迎彩仗添佳色川奉

安輿減漲痕欲識太平真氣象茅茨童叟各能言

十九日早行過懷柔縣晚宿密雲縣

侵星起結束霜露高凜秋樹羽殷原隰追趨敢遲
留鞍馬素非習常抱顛蹶憂惟當謹控勒不使脫
轡頭山缺孤城出小市人煙稠佳名今始稱絕域

咸懷柔前途疊坡壠行行入檀州回首紅螺山煙
嵐翳難收蒼蒼出稜角簇簇疑雕鏤僞奚信壯縣
埤現屹新修地險設障塞扼隘雄邊陲牙旗蔽戎
幕畫角起戍樓宵分萬竈煙野宿森貔貅佇立望
塞垣山川莽悠悠

石匣營懷古

行經金溝淀始見石匣營舊館雖已廢依然置邊
城城西有奇石如匣營以名迢迢鮑丘水入塞流
洄滌水自西南注人向東北行緬懷王與富奉使
傳紀程六合今一家况茲猶戶庭遭逢信多幸持

橐從前旌丈夫志四方出門萬里輕努力自勗勵
奚有兒女情

古北口道中懷古

巉巉霧靈山泱泱廣礪水兩崖壁斗削萬丈潭無
底巨石激急流轟虺復礮礪山腰一綫路偏仄劣
容軌萬騎來谷中旌旗暗靡靡人如銜尾鴉馬似
緣垤蟻磊磊山上松澗壑映清美黑峪連柳林紆
緬五十里邊牆因山築高下亘列雉德盛寧恃險
蜿蜒或半圯山坳聚村落淳樸俗可喜亭午始出
關豁眼蒼煙裏羣峰若波濤一伏又一起斜陽忽
明滅空翠凝暮紫嗚呼遼金來戰爭多故壘承平
餘墩堠詎曰武備弛涼亭空舊驛納鉢失遺址覽
古一披襟徘徊不能已

恭和

御製出古北口韻四首

留幹雙崖七校過雨師灑道作前訶昨夜有雨蒼煙紅
樹秋嵐外一線淙淙響白河

熙熙文軌萬方同重鎮雄關坦蕩中漫道邊牆古
設險任教耕牧上高墉

六穗兩岐信有與困箱露積滿田廬豐穰關外同

西莊好存稿 卷十三 三
關內處處衢歌候

翠輿

七十二均太行脊冷陁遼碣信遙征黃圖已拓于
闐外茲地真如戶闐行

恭和

御製雨中塞上即事韻

平時宵旰情無已未雨望雨雨望止大有今逢銍
刈餘

宸遊撫景聊欣此廉纖作勢點點迎幕歷灑空陣
陣行谷簾澗穀方互映峽琴水樂如載賡玉沙錦

石清無淖羽仗黃麾並前導濡水滃瑄漲碧來林

林萬騎澄暉照今年送喜遍邊陲天心眷

德寧人為葉爾盡聞甘澤沛葉爾羌自古少花門

來睹合圍儀回部郡王霍集斯伯克等自京扈從

統亦將五風十雨氤氳狀餘潤還把征塵盪雨師

繼至為訝

法駕來特遣旌旒濯漑沆輕鞍穩勝百斛船濺瀑

懸流多壯觀

天葩灑落飛瓊屑細參一一皆元言

恭和

御製幸熱河山莊韻

蹕路快時晴仙宮望水晶林憑霧皴染峰傍馬逢
迎豫順徵

慈慶豐登洽

睿情覲

光遵懿軌慰眾駐前旌候較去年晚每歲七月出口行聖駕

圍今年八月十五秋添一倍清來朝俞騎動疊

十萬壽啓蹕稍遲翠記行程

恭和

御製熱河啓蹕幸木蘭作韻

秋獲全登坻與京

壽觴獻後問山程九如天保孔之固四牡車攻展
也成脫劍名王重譯至執鞭侍子兩行迎受降講
武兼深意羽獵寧徒一寄情

恭和

御製濟爾哈朗圖行宮韻

儉素渾如一畝宮寧誇閣道與天通林巒但愛秀
而野楹楠無勞錯且攻筆架峰飛紅葉雨安禪寺
颯綵幡風獵場此去途非遠欵塞羣藩待會同

井

出山仍自潔能止不生波行帳資淘米渾時因汲
多

菜

味帶土膏滑氣含風露香何鄉無此物翻向塞垣
嘗

行帳夜坐有懷汪康古施鐵如湯孔茹盛

秦川朱伯承諸子

俗士如油膩著衣易染涅佳士如名香餘薰恒不
絕京華熱客多徵逐非所屑賴有素心子衣袂相
攬結粉坊連果巷衝泥兼踏雪足然足音喜窺戶

一笑啞新篇扶經心高論得文訣此味頗有餘未
覺謫居劣王程限于役草草成小別龍旗塞上雲
關門倚帶嶮短衣萬馬羣歛爾電同掣書生心膽
壯醉覺層冰裂連朝大合圍平蕪灑毛血止頓憩
氈廬孤燭坐明滅丁丁銀箭窮宛宛玉鉤折千里
諸故人相思感岐轍國家告成功雅頌待摩揭奈
何菰蘆中藏伏盛才傑弇山振長離解谷挺直節
慎勿老耕漁區區抱孤子

塞上重九

去年重九在閩南蔗田荔浦開晴嵐無諸城畔滄

波碧歐冶山頭霜葉酣今年重九在塞北白草黃
雲遍秋色漠漠陰山積雪飛茫茫瀚海堅冰坼絕
塞登高又一奇連營鼓角動旌麾躍馬橫穿射生
隊銜杯只少折花枝關塞迢遙南北路客中佳節
年年度故園兄弟插茱萸定應憶我題詩處

恭和

御製行圍韻二首

雉飛角角鹿牲牲表野菜田不動塵罕畢逶迤疑
曳霧旂旒周匝抵張圍龍沙以外皆靈囿虎旅之
中有遠人文武我

皇天授並雕弧御罷援毫頰

葉護來充鈎盾司材官敢後獻禽期武車正喜綏
旌合乾豆還兼饗客宜生擊黃獐牙已脫橫拖蒼
絺距安施

神謨偶寄三驅內萬里降番倍凜茲

恭和

御製塞山雪景韻四首

平蕪極望玉砂飄石作皴麻樹點椒最是荆關難
畫處一峰灑遍一峰消

犯兕葭蓬地効肥滋膏更愛六花飛瑤霏似逐風

西華如在和
卷一三
毛下羽騎雲麾正合圍

輕輕未作封條樣剪剪纔分撒絮形帶得陽春寒
谷變多因紫塞

翠華停

批熊拉虎類驅羊命炙升觴有異香
盛烈已逾蔡州捷秋蒐講藝永無忘

恭和

御製雪中行圍韻

大漠高秋迴平沙急雪霏節空裝樹巧舞密晃山
輝光借凋弓淨花兼芝蓋飛旂旌同照映組練變

珠璣積素先清道洗塵好合圍玉驄蹄乍熱羽箭
影交輝縞色明行帳冰稜助凜威風毛偕霰集鮮
品得寒肥解網停霜仗回鑣度石扉何須歌折柳
慕義久同歸

恭和

御製哈薩克使臣入覲即命扈從行圍紀事韻

花門別部接康居厥角來庭隸版輿盧矢彤弓應
錫爾梯琛航賚實嘉予近光豈恤行重繭從狩欣
觀網設陸
帳殿割鮮還

賜食殺蒸燔炙和桃諸

詐馬行

國家考牧常孳繁白沙赤岸安足論札薩之俗傳
只孫走馬進宴明尊親程材角力舊典存因彼風
土宣威恩高秋朔塞開和門奉觴希鞞鞠脰頻預
儲駿足掄毛羣龍文虎脊錦繡屯健兒跣跋捷有
神權奇倜儻能調馴二十里外分行陳纏髮結尾
靜不紛作氣蓄銳方逡巡連珠礮火響乍震山鳴
谷應相吐吞雷轟電掣空中聞一馬脫手萬馬奔
倏忽沛艾騰無垠注坡躍澗超平原巨魚縱壑隼
入雲斷絃離柱箭出韃瞬息千里無難臻刷燕秣
越空云云三十六騎尤絕倫當先得雋殊欣欣拘
怒未息猶軒軒

詔出內府賚便蕃佩

德齊挾春曦温我

皇較武誌勿誼游藝亦寓綏懷勤汝曹髫鬣勇黝
賁長大爲

國充屏藩况今赤汗來大宛郊藪會見行麒麟

什榜行

南山萬壽歌無疆北斗跪進流霞觴名藩輸誠

帝嘉悅中筵敬起陳樂方音希節簡留淳樸不比
新聲競繁促什榜約略同十番吹出熙和太平曲
清笳徐引流霜空細管按拍偕雖雖箏琶間作悠
揚裏絃阮交鳴宛轉中歌詞彷彿意堪識海水難
量欽

帝德無虞無貳全樸忠不叛不侵効輔翼從來大
樂貴備陳明堂任昧誇前人我

皇功德邁今古寧徒奏樂追韶鈞中和萬國薰蒸
遍西極流沙胥革面况茲近屬被化深詠仁蹈德
真無倦聽樂堪徵蕃部情我

皇威烈被寰瀛微臣幸際

昌期盛小鳥還思叶鳳笙

相撲行

相撲之戲良近古名爲角觝實習武赳赳壯士誇
梟雄烏獲慶忌寧比數魁結單絞好裝束毒手老
拳分什伍一人攘臂昂然來一人竦立相支柱跳
踉乍作之而攫揮霍還成左右拒强者益奮弱不
甘互格交撐氣三鼓突焉批亢忽擣虛失勢一落
首爲俯

頒來法酒用旌良別遣翹材陳兀魯猛鷲雖同撲

法殊袒裼直前闕虡虎翩翩趨捷同都盧投擲盤
旋類超距一已顛踣一未休急騰而上猶餘怒伏
監其腦乃爲勝意氣昂藏勇可賈大官羊臠亟
命賜立飫何煩升折俎禁鬻快意恣屬饜食罷偃
僂仍拜舞自言準人凋敝餘此腹久負嗟終窶今
隸

天朝獲獻技十載長饑一朝補方知慕義悔不早
永備千楸歸

聖主

教駢行

生駒三歲駢以名庾人教駢傳遺經馬質職在綱
惡馬以索狎習令不驚牧師相沿古意失藩部控
御能專精高秋喜迓

翠華莅雲漿獻罷名王庭龍媒上駟競駢集一一
瑞應天房星拳毛玉花照夜種批竹削玉訾黃形
追風躡電滿山谷何人赤手施長纓諸藩子弟並
健者力搏雕虎飛猱輕尺箠持作冑馬索舉鞭擊
地霹靂鳴耳邊生風鼻出火疾馳徑縛何崢嶸麟
鬣鳳臆倚倔強煙鬃霧鬣驕猙犷逸足不肯受羈
勒張脉狡憤氣滿盈奇哉一躍遽就勒蹠蹠不止

行驥駢圍人相顧齊動色從容回策真如縈大畜
童牛利用牯此馬亦惟教乃成牽來磊落連錢動
高蹄促腕兼方睛野心頓忘任驅策始知物貴因
其情剪馬曾聞賀六渾眼中部曲多豪英壯夫快
馬一心力驍騰萬里揚

皇靈

扈從雜詩八首

滿山落葉滿林煙莽莽高秋朔塞邊登頓千層出
深井黃綠一逕上青天鷹風雕霧關靈囿雁磧龍
沙盡甫田屬國橐韃從萬部長楊雲夢陋當年

鬐沸灤源百道深五更舉火騎駸駸霜濃牛馬通
身白林凍烏鴉閉口暗列陣從容看表貉連營匝
匝有前禽草間狐兔何難盡解網由來識

聖心

鬢上冰凌乍結牢醉騎生馬氣偏豪蒲且養叔齊
抽箭宋鵲韓盧盡解絛校尉千羣羽林隊戎衣一
色赫連刀試升大阜驅僮俟得雋歡呼積獸高
健兒千二百人皆進哨先期奏綠牌圍緊圍寬分
什伍場心場面絡巖崖日占戊好前驅壯壯奉辰
多盛典諧幾度舐齶教試射東丹飛騎插鞞

天鷲罷捉侮東青移帳玲瓏嶺外停鹿迹林中如
椀大虎嗥谷口逆風腥小侯簇簇團花襖衛士翻
翻孔雀翎橐筆持衣從後乘敢云石鼓草新銘
閃閃朱旂面日颺亭亭黃幄背風張儘容委珮趨
棕殿獨愧賡歌繼柏梁龍管鳳笙千品樂金蛆玉
蟻五雲漿無須劈正興隆列十里虹旂引

御香

列坐傳餐賦樂胥升觴命酌酒騰車典隆在鎬兼
瞻洛

恩倍賞花還釣魚潑乳茶芽凝露後堆盤橙甲摘
霜初儒生割肉叨榮甚陞楯諸郎悔不如

朔漠雲山接四樓興州崿嶂入桓州蒿牆板屋遮
村暗椶葉樺皮架約浮點綴憑添烏拉代紆迴深
避塔兒頭侍臣欲續虞衡志風土從教篋底收

趙舍人夜過行帳

氈幄孤檠偶論文題襟此夕得同羣頻欣救則山
相照頓使君苗硯欲焚宋體唐音定兼愛越吟吳
語好平分從來靜者心多妙試向毘耶證夙聞

次韻

武進趙翼甌北

宋姚絳灌笑無文磨盾行穿萬馬羣獨振宗風

今有幾自慙少作久堪焚鍼師門豈嫌人販鄰
女光應許我分卻喜結交從客裏向來京洛斷
知聞

贈倪袖湖同年二首

記唱句臚已七年萍浮蹤跡兩茫然得參星罕覓
旌末喜結聯牀聽雨緣乞火分漿情懇款忘形感
舊語纏綿一規涼月周廬外圍坐宵分燭影圓

得第渾如同隊魚人琴回首足欹欵謂莊仲淳麻傾孰

為扶蓬艾蛩鈍還欣倚駟驢厚意似膠真愛汝苦

言如藥願箴余比來心迹君知否新儒全將舊猛

除

恭和

御製立冬韻

小春占有慶大化被無垠先甲新機啓是日乘乾

布令勤祥風看協律瑞氣待書雲遠部傾葵意爭

同草木欣

恭和

御製題素尚齋韻

真面應從本色尋掃除藻繪

至人心飛來遠翠環仙苑悟透空香證佛襟皓月

孤雲澄止觀風簾水檻散清陰蕭閑十笏無多地
祇覺

淵懷高復深

虛船前輩同寓熱河見示長律三十韻次

和奉呈

扈遊經磧塞旋

蹕指灤河亂水逾伊遜層岡度博羅路迴宮覽見

寺在熱嵐起磬椎多峰以形艾帳收旌罕蘭綺傍

碣阿宮門開麗正避暑山莊朝彥集紳珂十里喧

成市千家迴倚坡剝竿搖寺影塹堵簇松科但得

巢安睫何妨角占蝸彎跼聊憩息蜷局任嘲訶前

輩瞻圭臬榦材仗錯磨趨班常接引並轡每安拖

漫畫嗤無饜寒號喜且過數弓新僦賃三匝共枝

柯杪火歡僮僕衣包卸駱駝招呼容爾汝報謁少

誰何乞米通牆角分燈聚炕窩真疑偕蟄燕翻類

倦飛蛾疲馬同槽櫪嚴更互護呵嘯臺先得句斫

地亦成歌竊擬煩治點惟希審側頗元言參正始

妙理問禪那回憶初脂轄中田乍割禾秋冬移節

序書劒剌裝馱時泰人咸慶年豐氣轉和晴巒浮

疊髻淺泚蹙紋鞞曲宴羣籥至衢謠萬姓哦諸公

西莊始存稿卷十三
都濟濟一老愛皤皤賤子原禱散詞源愧勺波霓
旌叨後乘霞錦羨飛梭他日還山約扁舟訪薜蘿
歸次石槽寄家人

來日秋纜半回程屆凜冬六旬沙塞盡三度缺蟾
逢馬首鳴枯葉牛欄吐遠峰金錢不用卜先具臘
醅濃

西莊始存稿卷十四

古今詩書局集

早入平定西域方略館即事恭述二首

鞞霜右掖戴星趨簪筆榮參一得愚晨入宵歸資
檢閱年經月緯凜編摹屋分禁地承

天澤凡書局皆設紫禁城外惟方略館在武英殿後即內廷諸臣退直憩息處語譯同

文識

睿謨清字 上諭俱由繙譯處送館捧讀之下
仰見我 皇上燭照如神萬里皆在几席濫

竊餐錢殊自愧微忱螻蟻効區區纂修官皆優其廩給臣受恩

深厚圖報無由不
敢支頌以抒微志

西莊如存稿 卷十四
檔冊如山字若毛
焚膏校錄敢辭勞
榦材縱乏班張妙
紀述應追謨典高
宇內奇功千古獨
局中全勢

一人操汗青指日垂金匱
葵藿傾陽慶所遭

庚辰除夕荅企晉

一年將盡夜千里故人書
七十二峰雪東風放艇
初

觀優人演朱翁子事

印綬區區駭婦人讀書償卻半生勤
一官竟爲恩讐誤悔不山中老負薪

三月杪至良鄉縣長楊村宿

又見單車出國門殘春風物得深論
花甘退色全輸綠雁畏遲歸急度村
斜日閃金煙樹暝上河漲水石橋
渾垂楊茅店聊欹枕夢向西莊放釣
輪

題唐八繡遺像

枯木未逢春貧女終不嫁
冰霜故相欺膏沐向誰借
偶于窮餓中歌吟出嗥
嗷禿筆雖成冢敝衣纔掩
胯萬言一杯水賣賦乏高
價時遭路鬼笑苦受醉尉
罵唐衢本善哭之子殆其
亞長安一邂逅頗肯過我
舍爲言作客久騎驢覓杯
炙絕嶂飽所經

險灘吁可怕異域浪奔馳低顏自悲吒無家遂無
歸十試還十罷何時具饘粥努力親犁耙微志竟
莫償奄然隨物化可憐遺挂在位置雜亭榭抱膝
獨聽泉蕭灑風葉下生前那有此尺紙聊染研空
餘鮑家詩唱出秋墳罅

獨遊北郭遂至諸寺四首

泰折壇前滿井東川原高下梵王宮麥黃堪熟鳴
鳩裏消受涼陰馬上風
幾曲莓牆絡碧虛榜門尋遍畏吾書行穿勸菜澆
瓜路便似經正歷壑餘

竹杖田衣自在身層臺眺遠髻嶙峋一回相見一
回好只有青山似故人
曼陀花片落諸天如蓋松陰午正圓出郭偷閑小
三昧只愁話墮不參禪

寄題西莊

栽花種竹足清娛一片莊窠待掃除逸野舊堂思
祖德安亭新額闢吾廬通經雅慕鄉名鄭習靜何
妨谷號愚卻愧酬知無尺寸微生敢便乞江湖

題徐叟松江獨釣圖二首

曲鉤得魚多直鉤得魚少適興非羨魚肯學曲鉤

西齋類稿卷一四
巧坐到石磯溫所獲纔稍稍從來信天翁漫畫亦
同飽無意取封侯垂綸以終老
小魚在池沼大魚在江湖衆人貪目前一竿守沮
洳君釣獨遠去浩渺凌空虛長鯨或堪鱸巨鼈亦
可圖不見任公子投餌東海隅

題顧吏部北墅草堂圖

射雉臯邊富煙水懸雷山前足魚稻吾友家居落
此間比似辟疆園更好茅堂向背無面勢穿徑大
都因翠篠把卷時看不律操醉眠豈惜接羅倒日
長山靜斷剝啄江天寂歷親魚鳥羃羃平畦罨局

排隱隱重湖玳環抱綠昏樹頂數帆來花落籬根
一僮掃君家文采舊清門弟兄並起工詞藻專城
千騎得分符瀑直頻年煩削稿閑將舊宅付臥遊
丹青傳寫窮深窈回止枉渚自深深錦石明沙殊
了了從來達人出處齊虛舟不繫超塵表太平欲
隱本無名有才自合青雲矯我聞歐公在政府每
念穎陰思投老又聞堯夫乘小車遊遍洛陽好亭
沼兩公顯晦雖不同並生盛際攄襟抱我儕較古
更多幸身健心閑飯喫飽世出世法且微參才不
才間何用巧最宜展卷當歸田休因看畫被畫惱

西莊如存稿 卷十四 四
他年扁舟計終就定來訪汝淮南道修禊何妨續
故事桃蹊竹塢春光早寫作江村第二圖添我酒
徒坐洲島

十月五日宿順義縣板橋村

去年扈

蹕此停轅今歲迎

鑿又宿村臥聽戀槽駑馬鬪食防銜肉老烏喧潦
深斷岸橋無腳冬煖空田稻有孫卻愛柴扉開樹
底撚髭叉手送餘暉

仲冬自宣武門移寓寒葭潭

九載京華宅六移浮蹤只自累妻兒漫勞烏鵲飛
三匝深愧鷦鷯寄一枝曲巷有風鐘遞處空潭無
水月生時卻嗤旁舍歆頰甚獨木區區可得支

聖母皇太后七十萬壽恭頌一百二十韻

令序占先甲熙辰履一陽深仁應錫福厚德自凝
祥已卜音調羽初聽律中黃芸生駢似筆荔挺茁
如銚南極多佳氣西池晉

壽觴千官齊鞠脰萬國走梯航繁祉高喬嶽鴻禧
沛渤滄兼全名位祿直匹阜陵岡自昔邦基鞏多
因壺範良敏歆曾育稷濬哲誕徵商淑問莘任裕

西莊詩存 卷十四 五
徽音摯如彰瑞呈雲入戶夢紀燕巢筐明德賢聲
著宣仁內治襄濯龍徽弗替長樂嫩相望彤管由
來擅青編舊事詳恭逢時益泰快睹慶流長
體合坤元正

躬符地道光安貞全協吉至靜永含章雅化端官
掖隆儀式瓚璋蘋蘩調翠釜種稔配黃梁允矣
身爲度猗與

言作坊紘緹成法服綈練

御芳纓闕館時分繭清壇每擷桑禕衣承闕鞠縹
珥夏珩璜禡祀親弓鞬蠶祈滌裸將典文稽美善

軌物稱焜煌不數賢興夏寧論瑞肇唐

堯門標翼翼

軒渚兆洋洋載德真兼備鍾英正

未央流虹垂遠耀繞電見森芒椒氣溫溫潤蘭猗

藹藹芳太和斯獨聚景運迺彌昌九五乘三統

慈寧蔭八荒雞鳴開曉曙

鳳輦備趨蹌視膳調甘旨扶輿問燠涼

大安勤定省

至教奉齋莊惕若維繩武欽哉實肯堂郊邱嚴鬱
醴泰折潔臙腳

祖德昭于上天心鑒在旁邦思民作本慮軫視如

傷減賦連頻歲寬徭屢十行金錢頒太府玉粒出
神倉遐徼拯災沴偏隅抹螟蝗自然蘇蔀屋詎止
起羸尪吏道澄冰鏡戎兵詰斧斨農皆安紺耜士
盡迪膠庠閭澤深淪浹醲膏足霈零總由
慈範裕用啓

帝圖臧

懿訓時諮稟

淵衷藉闡揚春暉噓紫禁愛日麗銀潢往者遵時
邁于焉爲省方杏花微雨過布穀勸耕忙迤邐雞
翹動從容雉扇張星旒臨沛上辰罕涖江鄉雁戶

皆溫纒虹隄有石塘

睿謨過瓠子勝算邁宣房桃柳春如海雲嵐蘇與
杭吳山濃入畫浙水曲于湘里媪羣迎迓村娃競
頡頏

萱幃蒙怙冒芹獻各傍徨望幸欣編戶承歡仰

聖皇鎬那居宴宴洛矣水泱泱乍遣留糧漕都看
豫蓋藏于于咸額手戢戢共擎香况有秋獮典須
嫻近塞防雲輶仍涖止家法誠愆忘豐沛懷

先澤幽岐念保鄣醫閭何業業鴨綠正湯湯二室
天中蠹三花古樹黻泉林遙澹沲岱嶽迥蒼茫處

西莊如存稿 卷十四 七
處

恩涵煦年年

德減汪豫遊恒展義繼序賴交獲罽輅中盤駐和
鸞南苑翔潔齋緣久潦步禱爲時暘朔代開臺磴
清涼壓濁漳文殊示像地紫府散花場參得三乘
法功宜七寶裝蕃祺躋耆耄純嘏謝祈禳盼嚮通
呼吸冲虚默佑相日之升不已

仁者壽其常曩日週花甲寰中共拜颺祝釐儀煜
爛歸善頌琳瑯特放園扉赦胥蠲則壤糧拔茅期
一一脫頽氣昂昂

慶節今逢又鴻圖此適當金川先式叙厄魯繼來
王聿定花門部旋擒葉爾羌長纓降猓獮巨斧折
螳螂穴豈容遊蟻籓堪喻觸羊奇勲收尉候駿烈
懋巖廊瀚海遙傳箭天山早服毗于闐歸版籍勃
律敢披猖禹甸逾增廓箕疇倍浩灑萬年開籥始
七曜紀金穰合璧呈連璐聯珠象截肪推來渾天
法奏自挈壺郎

尊養膺無極延洪得未嘗

温綸宣詆蕩

渙號貴鸞凰虎榜蒐賢俊雞竿下闔閭花村無犬

吠雲路有駒驥讀

詔爭扶杖推

恩到異糧臚懽仁普扇錫類願俱償四照花盈座
長春樹繞牆永綏媿文母思媚紹周姜

寶號崇恭懿修齡奉悅康龍函蟠秘篆金冊壓練
緇鶴算添籌溢嵩呼雅步鏘香山圖耄士洛社盛
冠裳朱拱撐千疊珍臺構一桁切雲浮傑閣夾道
跨飛梁翠桷扶鰲極華棖綴璧璫番番排綺繡隊
隊奏笙簧廣樂陳千品琅璈殷八廟衢謠遍臣庶
華祝集嬪嬙白醞三光酒青餘九節菖傾葵瞻寶
婺舞綵進雲漿氣叶葭灰琯寒消兔杵霜定知仙
不老共仰佛無量小草叨霑潤微禽學弄吭九如
思獻頌拜手祝無疆

冬夜讀梅聖俞詩

冬夜寒且長掩戶學蟲蟄殘燈抱孤影伴我賴此
集滑口讀不下滑眼看不入高峭帶平淡瘦硬兼
酸澀惟恐語見好况乃屑組緝時時出雋永意及
語不及幽蘭擢空巖秋曉風露裛諫果乍棘口徐
咀出甘汁亦復能使才生駒不受繫崩雲蕩層波
偃蹇老蛟立前躡郊島步後顧黃陳揖摧頽都官

郎著緋將五十而我亦何爲塵中自於邑雙羊石
路晴春穀谿流急南望欲往從休負頭上笠

戊辰公車爲文社今官京師者六人壬午
新正十八日同集予葭潭新寓得交字

移家乍定啓書巢賸喜閑門得友敲掃雪泥纔融
巷曲收燈月欲轉堂坳談深促坐多鄉語味薄春
醪似淡交倒卻玉山休便去鄰菴鐘響出松梢

有萬
佛菴

二月九日集北墅齋觀天池生畫卷再用

前韻

終年故紙作蟬巢念舊還欣馬策敲誼重相於鍼
引石心虛不繫芥浮坳六人接迹通朝籍一紀餘
年論素交醉眼麻茶重讀書狂來欲折蔗竿梢

十二日集礪泉齋三用前韻

計吏偕來別故巢城南險韻鬪鏗敲流年不覺輪
逾坂閱世渾忘地有坳春淺玉河纔脉脉寒深鶯
羽未交交提壺更約豐臺去須待東風放柳梢

廿三日集西巖齋四用前韻

僦宅何妨比睫巢相過投轄鉢同敲胸懷夷白無
柴棘筆墨鋒稜有突坳茶泛乳花來北苑香縈篆

縷自南交樽前此會長安少卻愧巴人和玉梢

廿六日集省若齋五用前韻

清才阿閣定應巢簿領偏勞錄榜敲旅迹畏吾吟
侶屐舊家餘不小溪坳好文君過徐無黨采藥我
思王可交酒半忽興當食歎江南春信入梅梢

三月二日集梧岡齋六用前韻

好奇真似老居巢客到空齋喚鐵敲且食蛤蜊眠
甕底漫嗤蝨蝨上牆坳杯深不怕郊申犯春冷翻
如三九交聞說小冠同子夏但愁跛鼈逐蒲梢

與子同字

清明日同陳太暉張慕青韓伯慧張商言

畢澗飛家叔華遊陶然亭

捎溝苦厭地多窪步屨城南正復佳行傍一椹劔
邊路望窮五日月生沙風鳶曳線童逃學社飯澆
墳客念家最是茅亭堪坐夏打量攜鼎試煎茶

題曹檀濬江村觀稼圖

先生與我家同里同業筆耕食破硯我家嚴君性
蕭淡暱就先生最相善祭酒布衣老諸生無田累
世甘貧賤兩翁顏鬢各皤皤黯黹青衫尚如靛省
門矮屋冷秋燈大小身經數十戰三寸毛錐不得

西苑如不和 卷十四
力故紙堆中且勤佃閑時共話爲農樂春雨扶犁
真可羨欲拋書冊事耒耜租取吳牛駕鞦韆世事
從來有屈伸兩家生兒突而弁幸遭

聖世命不薄致身館閣相後先力田究竟得逢年
善人昌後如操券我昔請急趨庭闈跪奉

賜金起調膳鄉里兒童爭歎嗟識字耕夫今擁傳
開筵舞綵祝

君恩卅載辛勤始授粲來殷之才我所畏藝圃書
田夙漑灌聲名官職兩入手領得告身光有爛先
生開顏定一笑老來筋力添強健卻寫江村觀稼

圖鄉園風物圖中見僧衣漠漠遙分畦對局方方
低築堰新秧出水剛如針嫩綠瓜瓢色一片老農
赤腳唱田歌十十五五互相喚插秧根貴插堅牢
插得根牢後無患秧科分得行要疎行愈稀疎實
愈綻農談瑣碎有至理先生行田遠臨泝閑捉蒲
葵自障日披襟恰受薰風扇生涯漫言托九農頭
銜已自高三院回思舊日求田心情事雖同俄異
撰獨慙我本無一長有腹徒能飽喫飯倉中雀鼠
體自肥棧下駑駘豆長戀家請官供無以報空憶
吳杭香可爨先生樹德方若滋藝蕙百晦蘭九畹

西華如不稱 卷一四
從今所獲當屢豐作歌聊為情農勸

題張龍崖青山紅樹讀書莊圖四首

面湖背嶽匯清湘瀟碧昭潭水一方青女預愁詩
境淡安排萬樹染新霜

楚竹煙深見栲山一重一掩出棠灣坐移九面湘

帆影長日林梢但閉關

栲山棠灣莊側小地名

七莊十里讀書聲分占清門好弟兄冷笑兩頭居

二陸雲間輕換洛中名

君兄弟七人各一莊在十里內

小小西莊接遠蕪苦無翠嶂與楓株他時終擬吞

雲夢訪舊兼來弔左徒

獨立圖為陳醫叟括堂題

人人有寫真正壑必相襲布景既雷同詩亦牙慧
拾看君用意殊軒然乃獨立海濶復天空離羣脫
羈馮長吟惟拄頰并棄瓢與笠真堪撒手行兩腋
風習習平生客諸侯傲睨但長揖千金肘後方抄
貯在行笈為我療婦病晨藥暮起汲無物足相貽
姓名見我集

白堦歌

阜成門下見堦影一里以外高亭亭妙應寺中觀
堦身九層八角纔分明如幢如蓋如卓筆如盤如

掌如抽莖鬼工琢出白石研琉璃映澈疑瑤瑛金
蓮寶座欄楯合珠網華鬢交迴縈流傳乃自壽昌
造兌位作鎮撐空青相輪銅綠古色爛劫火不壞
餘千齡我聞彼法空諸蘊安用幻相煩虧成崇無
飾有兩皆妄妙理同異聊推評入門紫鴿驚復下
不見千指撞鐘迎玉繩鐵鳳替戾響寂寞九子搖
風鈴京華禪窟屹相望訪碑每寄思古情伽藍恨
少銜之記頭陀孰留簡棲銘獨愛此墘形製妙不
厭百匝窺疎櫺試看特起旁無倚迴拔塵土標孤
清通身潔白完本性遠去滓穢排雲扃丈夫樹立
要如此軟紅何苦勞其生徘徊欲去三歎息浮蹤
自訝波中萍

桃源圖

洞口本無路舍舟聊問津羲黃忽在眼懷葛自成
鄰雞犬交阡陌鬢眉雜主賓誰言秦法峻容得避
秦人

商山圖

嵩少仇池外商顏好卜居芝英真有味橘叟得相
如几杖坑灰後衣冠溲溺餘老翁一著錯強出定
皇儲

鹿門圖

上冢全家去牛車緩緩行英雄甘下拜豚犬孰齊
名水落魚梁淺碑殘峴首清孟家鄰去後誰復此
躬耕

江蔗畦賓谷寄衡州諸碑并索題劉摯題
名冊

江家兄弟好今拙于古巧剔崖若可老捫字若可
抱舐墨若可飽萬里遠寄寶趙洪所未考三日讀
不了題名凡有八莘老露芒鍛黨魁性硬倔重人
重其碣石鼓石頭滑西谿綫路谿千年字猶活非

江劉筆沒我箋不及宋

于翠墨小箋
至五代止

留待裝壁用

字字軒老鳳若崩雲垂竦與黨籍同諷且讀且傾
瓊與賢孫同痛醉語補冊空

南湖草堂圖爲袁蕙纒賦

商山芝有主武陵桃不閑是山皆須買無錢空看
山一錐不得卓有貧何處安即欲逃空虛沆瀣不
可餐那能禁緇塵不上筍籜冠年年書驢券憔悴
困春官臥遊寄旅懷聊向圖畫看四山環一湖草
堂臨湖灘葉舟坐老漁吟苦忘其竿此景真大好
入手良復難遊偕愁共出歸挾貧俱還喜子能見

西莊始存稿卷十四
道身約心逾寬放懷睨千載所憂非飢寒藜藿常
不充偏有好容顏形神超象外到處南湖觀何妨
東華門日日輪與鞍

同錢辛楣湯文起李匯川任幼植成範彙
過歸義寺廢址訪遺刻因懷亡友周西隱
荒涼不似在雄燕菜圃爬搜認舊鐫堂說五間今
盡塌井餘一眼久無泉韓陵石共蘭成語索靖碑
留信本眠除卻素心同嗜少牙生絃絕淚潸然

西莊始存稿卷十四

西莊始存稿卷十五

序

贈任幼植序

興化任子大椿字幼植年甫逾冠而篤志經術覃
精稽古其于虞夏商周四代郊正禘祫宗廟之制
周禮井田稅賦之法遂人匠人五溝五涂之異同
禹貢五服大司馬九畿之遠近以及儀禮之喪服
經傳靡不留心研核于近日崑山徐氏所刻宋元
諸家經解皆掇其說之誤者辨之氣盛而志銳求
諸今世實罕輩儔進而不已其將爲一代之通儒

無難也嗟乎學之難言也豈不以其途之多所岐乎哉有空談妙悟而徒遁于元寂者矣有泛濫雜博而不關于典要者矣有溺意詞章春華爛然而離其本實者矣有揣摩繩尺苟合流俗而中尠精意者矣此皆不足務也是故經學爲急今以任子之才于彼數家皆優爲之而不屑爲顧壹意于經其取途也可謂正矣然而經學之難言也又豈不以其途之多所岐乎哉貿貿然而赴之不知其途之將何從也世之所傳卜三經注疏者不知何時所集而漢人之傳注唐宋人之義疏舍是則無可求者矣故言經者必以是爲質的然則求訓詁于注疏焉可也若朱子若蔡氏沈陳氏濬胡氏安國立于學官久矣場屋以之取士經筵以之進講學者童而習之能考其說之所從來存其是而講去其非斯善矣斯二者蓋治經之要務也能務斯二者則其餘固無暇遍觀而亦有不必要觀者矣抑人生精力有限即二者之爲務恐猶未能兼諸經也專一經焉可矣一經通則羣經之旁通者必多而其學亦已成矣自子束髮而好言經義求之數年未得其門三十以後漸似稍有知識四十而麓

定所謂專治一經先求訓詁于注疏而辨析于朱子暨蔡陳胡氏之是非者正予今日之所有事而功猶未能半也任子氣盛而志銳其才過予遠甚又能不以自足而虛衷下問予故舉其所嘗致力者爲說以贈之任子由予說而擇焉可乎

贈翁徵士霽堂先生序

乾隆己巳

天子下詔徵經術之士相國高公以霽堂翁先生應

詔先是

世宗憲皇帝詔舉博學鴻詞先生曾膺特薦以病不赴至是再被徵書海內翕然以爲高公開濟之暇篤意墳典宏獎氣類故能甄擇醇儒而先生之學弼中褻外宜受大賢之知兩者兼得之無何先生來遊吳中予獲定交焉益歎先生之學誠不可及高公之舉誠知人蓋經術之紛錯甚矣自唐之中葉以迄于有明著書解經者汨經之旨亂經之詁訓十而九焉發明經旨深通詁訓千百而不得一焉朱子嘗論治易者譬之若竹火籠添一條骨子則障一路光明蓋說愈多而經愈晦也朱子雖

言此然其所承用之邵氏易似猶未免此也况其
他乎霽堂先生之于經也蓋嘗誦其辭而識其意
矣歆然自謂未得師法未通古義而不敢著書此
其意較之憑臆妄造以爲經害者相去遠矣經學
之徵非先生孰宜先生年近八十神明不衰顧猶
欲以老疾辭不就徵家在芙蓉江上有峰三十三
將營草堂爲終隱計竊睹

今天子稽古論思振古罕覯而名公卿精白一心
汲引巖谷以先生之老于文學固當出而校天祿
之書與白虎石渠之議使天下知士不通經果不
足用未可久戀草堂之勝也且昔說經之士如伏
生申公轅固張蒼皆以耄耄徵先生雖老何庸辭
予濩落無似辱承先生進之小友之列會先生將
歸暨陽出素冊索予言遂爲之說以進用致區區
勸駕之懷云爾

贈梁生序

真定梁生用梅力學有文屢試省闈不售今秋已
雋矣又屈置副乘十月之朔來告歸出素冊拜而
請曰用梅無似無以承先業也夫子賜之言以廣
其意可乎予曰可哉生爲故相國蕉林先生諱清

標之五世孫相國羣從昆弟清寬清遠同時官九卿生之曾大父及尊甫仍世通籍有烏衣雀桁蘭綺貂蟬之美蓋河北數鉅族者必首及焉昔者魏晉以下皆重門地而唐之宰相作史者按其世系定著爲若干房一氏出宰相至數人者累累焉非盛事與顧吾家元禮仕當蕭梁嘗著論以爲崔氏雕龍不過父子兩三世未有七葉之中人人有集如王氏者然則門地之高尤賴文章以顯也我

朝龍興百數十年以來特重世臣而畿輔入相者七人涿州馮公銓高陽李公霽宛平王公熙柏鄉

魏公裔介寶坻杜公立德大名成公克鞏暨梁公

也馮公在前明已相熹宗其子源濟又爲內宏文院學士成公之父基命嘗相明懷宗王公之父崇簡明癸未進士入本朝補選庶吉士累官至禮

部尚書若李公魏公杜公之家躡膺仕者相望也豈不盛哉今諸家之後或罕有聞者盛衰相爲循環而平津邸第變爲車庫馬廐轉盼不可復問矣獨柏鄉之後有蒙啟高儼二生大名之後有倫敘者皆來問業于予梁生從予遊尤數予乃憮然而歎勢位之不可久惟儒學足以永世德也生雖屢

絀于有司而文日益有名他日踵祖武而起致身
通顯當不難矣然予之所期于生者則固在此而
不在彼也

古經解鈎沉序

學莫貴乎有本而功莫大乎存古吾嘗持此以求
之今世之士而厘厘乎得余子焉夫經之有傳注
詁訓也久矣其以九經各定著一家而爲之義疏
者唐貞觀時事也若乃益之以論語孝經爾雅孟
子亦各定著一家目爲十三經注疏又割取陸氏
釋文散入之而郭璞趙岐注又皆刪節不全孫奭

疏又係妄人僞造吾不知其彙集而定之者起于
誰氏也自故明以來刊本迭見學者開口則曰注
疏注疏云爾亦知其玉石雜糅蘭艾不分而古人
耑門之學固不盡是哉雖然居今之世欲求古學
則舍是末由矣奈何能讀注疏者天下無其人也
又况能補其亡佚者與昔仲尼沒微言絕七十子
喪大義乖然自晚周先秦以迄兩漢傳經授受各
有原流皆能自名其家魏晉及唐師法漸失然古
義未盡亡也下至宋元義理雖精詁訓亡矣而明
儒之陋謬爲尤甚蓋俗學之病在于無本而不好

古傭賃稗販游光掠影往往奉郢書燕說以爲典
要凡所引用皆不出于本書孰是能求傳注之所
從來者哉諺曰俗語不實成爲丹青丹青之言聖
人惑焉此其蔽也余子憂古訓之漸滅也旣已遍
讀注疏識其崖竅又復瀏覽羣書左右采獲斷自
唐以前掇拾亡失爲古經解鉤沉若干卷每條具
注所出數典而舉其祖按籍稽之可覆視也其學
可謂有本而其存古之功可謂大矣後人欲求傳
注詁訓之學者合注疏及是書求之足矣吾交天
下士得通經者二人吳郡惠定宇歙州戴東原也
間與東原從容語子之學于定宇何如東原曰不
同定宇求古吾求是嘻東原雖自命不同究之求
古即所以求是舍古無是者也夫子之聖猶曰信
而好古曰好古敏求古之可尚如此乃今復得余
子非古不道而所求者又皆真古而非贗古古學
將自此昌而流俗無本之學可以此療之矣余子
之友朱文游亦篤雅嗜古而家藏多宋鈔盡出以
相商榷故能成余子之志云

詩經叶韻參補序

古音之變也久矣楚辭文選其音與詩三百已自

不同周顥沈約陸法言孫愐之韻書出去古益遠
吳才老始有志復古撰爲韻補一編楊用修又增
益之爲轉注古音然二家者于古音本無所解徒
雜采羣書之韻見異于今者即以爲古譬諸治絲
而棼之爾迨至連江陳季立有悟于古人韻緩不
煩改字之說倡論謂古無叶音于是古音始有端
緒而亭林顧氏復大暢其說分古音爲十部條理
精密秩然不紊欲明三代以上之音舍顧氏其誰
與歸楊君魁榜字掄元雲南永北府人撰詩經叶
韻參補其說以爲宋儒所言四聲互叶切嚮通用

立法已詳而近時陳法子又有叶本音四聲叶轉
音四聲同音同叶二音互叶叶通用之音叶借用
之音與夫本字加之而得音旁聲類之而得音等
法其于朱子之叶韻有改者有補者有削者改補
可也削之不可也乃取陳氏所削槩爲加叶并改
補者亦參取而訂定焉楊君之用心可謂勤矣夫
叶韻也者六朝人謂之協句小顏注漢書謂之合
韻曰叶曰協曰合一也其言本無病也病在不以
叶音爲本音而以爲詩中又自有叶音耳今楊君
之書遠本才老又取法子之說展轉加叶子固不

能通也予所知者亭林所分之十部風宜歸侵弓
宜歸登如是而已然當唐韻盛行之時賴才老之
講明而世始知有古音遞相推衍至顧氏而始無
遺憾是考古之功實自才老始楊君生于天末未
睹顧氏之書故猶祖述才老倘學者由其書而尋
繹焉討論焉愈以知音無不叶叶必本音使人謂
顧氏之可信實自楊君始何不可與爰序而歸之

毛詩明辨錄序

秀水沈良思觀察好言經義宦遊之暇惟事纂述
易詩春秋三傳各有明辨錄歲戊辰先出其毛詩

鏤版以行以首簡授予予惟董子有言詩無達詁

劉中壘亦云詩無通故蓋言志永言之義宜參互
尋繹而得之若墨守一家之言苟駁前師則拘於
其方非善說詩者也自宋以前詩無不宗序說者
即伊川程子亦以為大序仲尼所作又謂毛公最
得聖賢之意惟鄭漁仲作詩辨妄始極詆其謬而
朱子多從之原朱子之意豈不以齊魯韓詩並廢
獨主毛公千百年學者之心思錮束於一家必脫
去曰科別發新義乃可貴耳而宋元以來說詩者
又或墨守集傳雖有他家不復措意不反為朱子

西苑女不私
所訶乎今觀察之爲此書大意折衷集傳而博采
衆說未嘗墨守一家其研究聲韻考析名物幾足
補吳才老陸農師羅端良諸家之所不反殆能參
互尋繹有得於無達詁無通故之意而彬彬然爲
善說詩者已抑予聞之永樂之修五經也名爲大
全而當日編輯諸臣類皆攘竊一家之成書以罔
其上我朝文治誕敷

御定傳說彙纂自註疏以迄有明無不攬撫薈萃
一洗大全之陋是書出遵王制便稽考足爲彙
纂之鼓吹觀察盍并易春秋三傳悉板行之予雖

禱昧猶將一一爲之專序焉

禮記類解序

更定經文不可也更定傳文則無不可自樂史以
儀禮不見漢志爲疑流俗惑其說遂誤以漢志禮
古經爲禮記抑知高堂生所傳后蒼曲臺所記五
傳弟子所受皆儀禮耳至禮記則前漢本不立於
學官亦不見於藝文志良以儀禮乃爲古經而記
特雜出羣儒之手孔冲遠雖稱七十子之徒共撰
所聞然并有不出七十子者緇衣成於公孫尼子
月令成於呂不韋王制成於博士其篇第前後章

句分合本意爲詮次略無精義後儒爲之更定別爲一編而不謬於聖人何不可乎吳江袁上舍從事戴記有年著書若干卷名曰類解蓋更定焉而別爲一編者也夫更定禮記者不一矣魏有孫炎唐有魏徵元行沖今俱不傳元有草廬之纂言明有念臺之考次而朱文公之經傳通解則以儀禮爲經而取禮記及經史有及於禮者皆附本經之下世稱其集禮家之大成今上舍此書取禮記移易翦截與文公同而其異於文公者文公合於儀禮而上舍別於儀禮文公之目曰家禮鄉禮學禮邦國禮王朝禮而上舍之目曰吉禮凶禮軍禮賓禮嘉禮禮儀雜禮制度通論要其補苴聯綴部居州次則略相似焉殆亦足輔翼文公而並行不悖者與上舍書旣成懼昧者或以更定經文爲嫌出以質諸予予謂此書之更定亦何足遂爲經之大害乎且上舍之意不過以此爲一家之書用便觀覽而已因爲推論其著書之旨俾承學之士知其不謬于聖人也如此

五禮通考序

李琰之嘗論崔光博而不精劉芳精而不博學之

欲兼精博也難哉要以鈔緝薈萃備下學之攷稽博爲首重矣朱子之學以研究義理爲主而于古今典章制度象數名物亦靡不博考之其綱條之所包絡者多故援據間有未精而日力不暇給則書之未成而有待于補續者亦多儀禮經傳通解以經爲經以記爲緯續之者益以喪祭二禮規模粲然矣然熊勿軒序稱文公初志欲取通典及諸史志會要與開元開寶政和禮斟酌損益以爲百王不易之大法則今本猶未之備也大司寇梁谿秦公味經先生之治經也研究義理而輔以考索

之學蓋守朱子之家法也嘗歎徐氏讀禮通考頗爲整贍乃仿其體以吉嘉賓軍凶分禮爲五編次爲書而徐氏之書詳于史而略于經公則爲之矯其弊且凶禮之別有五而荒禮弔禮禴禮恤禮徐氏俄空焉公則爲之補其闕書成人但知爲補續徐氏而公則間語予曰吾之爲此蓋將以繼朱子之志耳豈徒欲作徐氏之功臣哉公自少篤志經術洎官中朝政務旁午而公退卻掃坐小閣中左朱右墨孜孜矻矻不異諸生時蓋用力于此書者閱數十年性復通懷樂善聞人有一得津津稱道

不去口以故士有薄技咸願褰裳就公而求正焉
公商榷采納不遺細微鄙固如予所著周禮稅賦
說亦蒙蒐錄公每豎一義必檢數書爲左證復與
同志往復討論然後筆之故其辨析異同鋪陳本
末文繁理富繩貫絲聯信可謂博極羣書者矣讀
者始而攬其規模繼而尋其端緒如探珠林泛玉
海印有取頰有拾能使人人各得其意以去後之
君子其必有樂乎此也

爾雅補注序

小學之失其傳也久矣爾雅一經多可恨者其正
文往往爲後儒所亂如台朕陽爲予我之予賚畀
卜爲賜予之予而云台朕賚畀卜陽予也孔魄延
虛無爲間哉爲言之間而云孔魄哉延虛無之言
間也豫爲厭足之厭射爲厭倦之厭而云豫射厭
也此類皆正文爲後儒所亂者而郭氏皆不能辨
且郭注傳而捷爲文學劉歆樊光李巡孫炎並亡
郭之音圖亦亡即郭注亦多有爲妄人刪去者非
全本也如釋山霍山爲南嶽郭注云霍山今在廬
江瀟縣西南潛水出焉別名天柱山漢武帝以衡
山遼曠因讖緯皆以霍山爲南嶽故移其神于此

今其彼土俗人皆呼之爲南嶽南嶽本自以兩山爲名非從近來也而學者多以霍山不得爲南嶽又云漢武帝來始乃名之即如此言謂武帝在爾雅前乎斯不然矣凡一百有七字書詩周官正義並引之詳略不同耳而今本但云即天柱山潛水所出也餘悉刪去且郭意本爲辨衡山亦名霍山而廬江之霍山不得爲南嶽今一經刊削與郭本意轉大違反如此者甚夥又唐人正義每博採羣言以釋經注至邢氏疏則但勦取他經正義爲之如釋天一段全襲禮記月令疏五嶽一段全襲大

雅崧高疏此類不可枚舉陸氏釋文于他經每引衆家之讀并及其異義而于爾雅惟存音切諸儒之說略不及之羊豹一葑殊無足觀爾雅之失其傳如此而俗師專已仍陋踵譌古義日就曹昧余嘗病焉同榜進士海昌周子苞兮成學治古文貪博者奇而一歸平正與余有獲石之契近撰爾雅補注四卷于郭邢外摭古注見他疏者間取莆田鄭氏說又旁及他書預是有益者悉抄內焉其援引也富其詮叙也確信乎小學中必不可少之作也昔者羅鄂州書雖名爲爾雅學實非解經若苞

西莊如存和 卷十五
今此編輔經注而行正義疏之體且于其注不但
補其缺又能正其誤而于邢疏扁略處埤益良多
則其所補又不特注而已也余謂此書之美補注
二字未足以盡之以是名書是爲實淨于名夫自
有十三經注疏而後之用力于經者言疏足以見
注言注不足以包疏爲寄語芑兮鄙見竊思以廣
疏易此名可乎

屈騷指掌序

晉陵胡文英質餘氏善讀書尤嗜屈騷旣斷取漁
父以上爲正文又益以二招餘家則置不錄嘗旣
王逸李善洪興祖注紕扁甚多即晦翁朱子蒐采
雖博然往往于詁訓猶疎遂別爲解誼食貧居賤
東西游走必攜以自隨採掇修改三四過而稿具
予讀其書于地理名物考索頗精不爲空言疏解
而騷人之旨趣自出從來屈學殆以此爲善本矣
按太史公所序劉向所錄于離騷之外別序餘篇
未嘗通目爲騷也班固則以屈子自著者爲賦王
氏取衆家之依倣者并附之故題爲楚辭至蕭統
始以諸篇皆謂之騷劉勰辨騷亦然質餘名書蓋
從蕭氏劉氏云質餘嘗注莊子旣鉅諸版李峨峰

太守又將爲刻茲編以行世予獨疑質餘爲人修
謹不類莊周放曠而屈子者廢黜煩懣辭多憤激
離騷者離憂也若質餘則行高而心寬伏處自適
彈琴詠歌其閑居則默默然行于道塗則循循然
夫質餘又何離憂之有哉予不知其相感于百世
之上者何說也旣爲題其端又舉以訊之

西莊始存稿卷十五

